

Մեծ ազգերը փոքրերի հանդէպ դրամատէր են բանւորի հանդէպ. անիմաստ բան է բանւորի շահի պաշտպանութիւնը թողնել դրամատէրերին: Անկախութիւնն ու ազատութիւնը այն միակ դէնքն է, որով հայ ժողովուրդն իր աշխատանքը կարող է պաշտպանել օտար ժողովրդի շահագործումից:

Եթէ մենք անկեղծ սոցիալիստներ ենք, ապա պիտի կանգնենք Հայաստանի անկախութեան տեսակէտի վրա (ազմկալի ծափահարութիւն):

Խոռովութիւնները, տնտեսական ճգնաժամն ու դժգոհութիւնը, ի հարկէ, անցողիկ են. այժմ կառավարութեան հիմնական նպատակը պիտի լինի հանել հայ ժողովրդին այս մութ գուբից դէպի լոյս աշխարհ, որ վերջանում է Բաթումում և Զուլֆայում (ցնծալից, որոտագին ծափեր). այնտեղ մենք ձեռք կը մեկնենք բարեկամ Պարսկաստանին և ազատ Եւրոպային: Քանի մենք մնանք ներկայ գուբի մէջ, դժգոհութիւններն անպակաս կը լինեն, իսկ դրա լուծումը ոչ թէ հրաժարելն է մեր ազատութիւնից և անկախութիւնից, ո'չ թէ ձուլւելն է մի մեծ պետութեան հետ, ո'չ թէ պետական յեղաշրջումն է, այլ այն, որ մեր անկախութեան և ազատութեան դրօշը տնկենք Բաթումում և Զուլֆայում (երկարատեւ, ազմկալից ծափեր):

Վերջապէս, մենք պիտի ազատուենք օղակից, պիտի շունչ քաշենք ու ապրենք մարդավարի: Ու քանի որ մեծամասնական շարժումն էլ աւելի բարձրացրեց ժողովրդի տրամադրութիւնը ի նպաստ իր անկախութեան, քանի որ նա եկած է քաղաքական դիտակցութեան, կառավարութեան պարտականութիւնն է կազմակերպել, հզօրացնել նրա ուժերը և խորտակելով քաղաքական աւանտիւրիստներին՝ հանել նրան լոյս աշխարհ:

Այս ամենից յետոյ, մեր կառավարութեան բոլոր ձեռնարկած միջոցները, անձամբ ես, համարում եմ նպատակայարմար և թւում է, որ նա պէտք է շարունակէ իր գործը նոյն ուղղութեամբ:

Միաժամանակ, կառավարութիւնն այստեղ վկայեց, որ մեծամասնական շարժման հաշւեյարդարի ժամանակ խոշոր դեր խաղացին խորհրդարանի անդամները. դա բնական ընթացքն էր խորհրդարանի, ժողովրդի ընտրեալները վտանգի ժամին ժողովրդի մէջ պիտի լինէին: Բայց որովհետեւ դեռ հանգիստ չէ գտել հայ ժողովուրդը, դեռ լուծւած չէ շարաքառտիկ հայկական հարցը, վտանգը դեռ կախած է մեզ վրա ու ժողովուրդը իր հողի տէրը չէ, մենք՝ ընտրեալներս՝ պիտի շարունակենք մնալ ժողովրդի մէջ, պիտի կազմակերպենք նրան՝ յաղթականօրէն դիմադրաւելու մեզ վրա եկող արհաւիրքները. չէ՞ որ հին դայլերը դեռ դարանում են այս ոչխարին՝ մէկը հարաւից, միւսը հիւսիսից:

Թող ամենքը շարունակեն իրենց գործը՝ կառավարութիւնը այստեղ, պատգամաւորները ժողովրդի մէջ. ես խորին հաւատ ունեմ, որ կանցնեն այս փորձութիւնները:

Դրան ապացոյց 1919 և 1920 թւականները. անցեալ տարի մենք մահանում էինք, այս տարի ապրում ենք, իսկ եկող տարի կը տեսնենք Հայաստան անվիճելի, միացեալ, անկախ և ազատ (ցնծալից, որոտընդոտ ծափահարութիւնների տակ պատգամաւորն իջնում է ամբիոնից. ծափահարութիւնները շարունակուում են երկար, որ վերջում փոխարինում են խանդավառ ցոյցերի):

Նախագահ. — Պարոնայք պատգամաւորներ, այսօր մեր մէջ է գրտնւում Փրանսական անդրկովկասեան միասիայի նախագահ Դը Մարտէլը: Նրա երևալն այս օրերում շատ նշանակալից է. Փրանսական ներկայացու-